

**FRAMKVÆMDARÁKVÖRDUN FRAMKVÆMDASTJÓRNARINNAR  
(ESB) 2019/1752****2022/EES/70/06****frá 25. febrúar 2019****um gerð spurningalista sem og um snið og tíðni skýrslna sem aðildarríki eiga að taka saman  
í samræmi við reglugerð Evrópuþingsins og ráðsins (ESB) 2017/852***(tilkynnt með númeri C(2019) 1423) (\*)*

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2017/852 frá 17. maí 2017 um kvikasilfur og um niðurfellingu á reglugerð (EB) nr. 1102/2008 <sup>(1)</sup>, einkum annarri undirgrein 2. mgr. 18. gr.,*og að teknu tilliti til eftirfarandi:*

- 1) Í 1. mgr. 18. gr. reglugerðar (ESB) 2017/852 er gerð sú krafa að aðildarríki leggi fyrir framkvæmdastjórnina og geri aðgengilega öllum á netinu skýrslu með upplýsingum um framkvæmd þessarar reglugerðar, sem og tilteknar aðrar upplýsingar sem tilgreindar eru í því ákvæði, eigi síðar en 1. janúar 2020 og með viðeigandi millibili eftir það.
- 2) Semja ætti spurningalista, sem aðildarríkin skulu nota við skýrslugjöfina í samræmi við 1. mgr. 18. gr. reglugerðar (ESB) 2017/852, á þann hátt að það hjálpi framkvæmdastjórninni við að gefa skýrslu til Evrópuþingsins og ráðsins um framkvæmd og endurskoðun á þeirri reglugerð skv. 2. mgr. 19. gr. hennar. Þeir ættu einnig að gera Sambandinu kleift að uppfylla kvöð sína um skýrslugjöf skv. 21. gr. Minamatasamningsins um kvikasilfur sem var samþykktur í Kumamoto í Japan 10. október 2013 (hér á eftir nefndur „samningurinn“).
- 3) Jafnvel þó að spurningalistar fyrir skýrslugjöf samkvæmt reglugerð (ESB) 2017/852 megi ekki, í samræmi við aðra undirgrein 2. mgr. 18. gr. þeirrar reglugerðar, hafa í för með sér tvöfalda kvöð um skýrslugjöf fyrir aðila að samningnum, eins og mælt er fyrir um í ákvörðun MC-1/8 sem ráðstefna aðilanna að samningnum samþykkti á fyrsta fundi sínum <sup>(2)</sup>, þykir rétt að í þeim sé fjallað um ákveðna liði skýrslugjafar, sem falla undir ákvörðun MC-1/8, til að tilgreina nánar þær upplýsingar sem er krafist til að unnt sé að gera skilvirkt mat á framkvæmd reglugerðar (ESB) 2017/852.
- 4) Gefa ætti skýrslu árlega um upplýsingar um innflutning á kvikasilfri og blöndum kvikasilfurs með kvikasilfursstyrk sem nemur a.m.k. 95% miðað við þyngd í ljósi þeirra verulegu áhrifa sem röng meðhöndlun kvikasilfurs getur haft á umhverfið og lýðheilsu. Til að draga úr stjórnsýslubyrði ætti þó að víkja frá þeirri skyldu að veita slíkar upplýsingar ef aðildarríki lætur framkvæmdastjórninni í té afrit af eyðublaði/eyðublöðum sem notuð eru til að veita eða synja um skriflegt samþykki fyrir innflutningi samkvæmt annarri undirgrein 1. mgr. 4. gr. reglugerðar (ESB) 2017/852.

(\*) Þessi ESB-gerð birtist í Stjtið. ESB L 269, 23.10.2019, bls. 5. Hennar var getið í ákvörðun sameiginlegu EES-nefndarinnar nr. 83/2022 frá 18. mars 2022 um breytingu á XX. viðauka (Umhverfismál) við EES-samninginn, sjá EES-viðbæti við *Stjórnartíðindi Evrópusambandsins* nr. 45, 7.7.2022, bls. 62.

(1) Stjtið. ESB L 137, 24.5.2017, bls. 1.

(2) Ákvörðun MC-1/8 „Timing and format of reporting by the parties, Report of the Conference of the Parties to the Minamata Convention on Mercury on the work of its first meeting“ (<http://www.mercuryconvention.org>).

- 5) Ef upplýsingar sem eiga að koma fram í skýrslunni eru tengdar landfræðilega staðsettum fyrirtækjum, s.s. iðjuverum og iðnaðarstöðvum, ætti að greina frá upplýsingunum í samræmi við tilskipun Evrópuþingsins og ráðsins 2007/2/EB <sup>(3)</sup>.
- 6) Spurningalistarnir ættu að fjalla um lykilákvæði reglugerðar (ESB) 2017/852, þ.m.t. að hverfa í áföngum frá framleiðsluferlum sem fela í sér notkun kvikasilfurs eða kvikasilfurssambanda, óvélvæddan og minni háttar gullnámugróft og -vinnslu og tannsilfur, og einnig ætti að gera kröfu um upplýsingar um umtalsverða erfiðleika við að koma öðrum ákvæðum þeirrar reglugerðar til framkvæmda. Í þeim ætti enn fremur að gera kröfu um veitingu upplýsinga um helstu árangursmælikvarða, þ.m.t. gögn um viðskipti með kvikasilfur og um magn kvikasilfurs sem er geymt eða fargað.
- 7) Ráðstafanirnar sem kveðið er á um í þessari ákvörðun eru í samræmi við álit nefndarinnar sem komið var á fót með 1. mgr. 22. gr. reglugerðar (ESB) 2017/852.

#### SAMÞYKKT ÁKVÖRÐUN ÞESSA:

##### 1. gr.

1. Að því er varðar skýrslugjöf til framkvæmdastjórnarinnar um framkvæmd 4. gr. reglugerðar (ESB) 2017/852 í samræmi við 1. mgr. 18. gr. þeirrar reglugerðar skulu aðildarríkin nota spurningalistann sem settur er fram í I. viðauka við þessa ákvörðun.

2. Upplýsingarnar sem um getur í lið 1.1 í I. viðauka skulu gerðar aðgengilegar fyrir framkvæmdastjórnina eigi síðar en 31. janúar ár hvert (N) fyrir skýrslugjafarárið N-1.

Upplýsingarnar sem um getur í lið 1.2 í I. viðauka skulu gerðar aðgengilegar fyrir framkvæmdastjórnina eigi síðar en 30. september ár hvert (N) fyrir skýrslugjafarárið N-1.

3. Ekki skal gera kröfu um upplýsingarnar sem um getur í lið 1.1 í I. viðauka ef aðildarríki lætur framkvæmdastjórninni í té afrit af eyðublaði/eyðublöðum sem notuð eru til að veita eða synja um skriflegt samþykki fyrir innflutningi samkvæmt annarri undirgrein 1. mgr. 4. gr. reglugerðar (ESB) 2017/852 á skýrslugjafarári N-1. Aðildarríki skulu gera slík afrit aðgengileg eigi síðar en 31. janúar ár hvert (N) fyrir skýrslugjafarárið N-1 eða þau geta valið að gera þau aðgengileg hvenær sem er á skýrslutímabili N-1.

##### 2. gr.

1. Að því er varðar skýrslugjöf til framkvæmdastjórnarinnar eins og krafist er í 1. mgr. 18. gr. reglugerðar (ESB) 2017/852, að undanskilinni skýrslugjöf um framkvæmd 4. gr. þeirrar reglugerðar, skulu aðildarríki nota spurningalistann sem settur er fram í II. viðauka við þessa ákvörðun.

2. Upplýsingarnar sem settar eru fram í II. viðauka skulu gerðar aðgengilegar fyrir framkvæmdastjórnina í samræmi við eftirfarandi tímaáætlun:

- a) gera skal fyrstu skýrsluna, sem nær yfir skýrslugjafarárin 2017 og 2018, aðgengilega eigi síðar en 1. janúar 2020,
- b) gera skal aðra skýrsluna, sem nær yfir skýrslutímabilið 2019–2020, aðgengilega eigi síðar en 30. september 2021,
- c) gera skal þriðju skýrsluna, sem nær yfir skýrslutímabilið 2021–2022, aðgengilega eigi síðar en 30. september 2023,
- d) gera skal fjórðu skýrsluna, sem nær yfir skýrslutímabilið 2023–2024, aðgengilega eigi síðar en 30. september 2025,
- e) gera skal fimmtu skýrsluna, sem nær yfir skýrslutímabilið 2025–2028, aðgengilega eigi síðar en 30. september 2029.

<sup>(3)</sup> Tilskipun Evrópuþingsins og ráðsins 2007/2/EB frá 14. mars 2007 um að koma á grunngerð fyrir landupplýsingar í Evrópubandalaginu (INSPIRE) (Stjtíð. ESB L 108, 25.4.2007, bls. 1).

3. gr.

Ákvörðun þessari er beint til aðildarríkjanna.

Gjört í Brussel 25. febrúar 2019.

*Fyrir hönd framkvæmdastjórnarinnar,*

Karmenu VELLA

*framkvæmdastjóri.*

\_\_\_\_\_

## I. VIÐAUKI

## SPURNINGALISTI

**Upplýsingar um innflutningstakmarkanir, sem aðildarríkin eiga að gera aðgengilegar fyrir framkvæmdastjórnina vegna skýrslugjafar um framkvæmd reglugerðar (ESB) 2017/852**

## 4. gr.

**Innflutningstakmarkanir**

1. Hefur aðildarríkið veitt skriflegt samþykki fyrir innflutningi á kvikasilfri eða blöndum kvikasilfurs til notkunar sem er leyfð í samræmi við aðra undirgrein 1. mgr. 4. gr. reglugerðar (ESB) 2017/852?

Ef svarið er já skal veita eftirfarandi upplýsingar:

1.1. Kvikasilfur eða blöndur kvikasilfurs sem eru ekki úrgangur <sup>(1)</sup>

- i. Magn innflutts kvikasilfurs eða blandna kvikasilfurs.
- ii. Fyrirhuguð notkun á innfluttu kvikasilfri eða blöndum kvikasilfurs (t/ár á fyrirhugaða notkun).

1.2. Kvikasilfur sem úrgangur

- i. Magn innflutts kvikasilfursúrgangs.
- ii. Fyrirhuguð/fyrirhugaðar förgunar- eða endurheimtaraðgerðir (t/ár á fyrirhugaða notkun) <sup>(2)</sup>.
  - Ef um er að ræða innflutning sem er ætlaður til bráðabirgðaförgunar- eða -endurheimtaraðgerðar skal veita upplýsingar um fyrirhugaða síðari förgunar- eða endurheimtaraðgerð sem er ekki til bráðabirgða <sup>(3)</sup>.
  - Ef um er að ræða innflutning sem er ætlaður til annarra(r) endurheimtaraðgerða(r) en bráðabirgðaendurheimtaraðgerða(r) skal veita upplýsingar um fyrirhugaða notkun á efni sem verður til við endurheimtaraðgerð(ir) sem er(u) ekki til bráðabirgða.

<sup>(1)</sup> Ekki skal gera kröfu um upplýsingar um spurningu 1.1 ef aðildarríki lætur framkvæmdastjórninni í té afrit af eyðublaði/eyðublöðum sem notuð eru til að veita eða sýnja um skriflegt samþykki fyrir innflutningi samkvæmt annarri undirgrein 1. mgr. 4. gr. reglugerðar (ESB) 2017/852 á skýrslugjafarári N-1.

<sup>(2)</sup> Gera skal grein fyrir upplýsingum um tegund(ir) förgunar- eða endurheimtaraðgerða með kóðunum sem eru fastsettir í A- og B-þætti, eftir því sem við á, í IV. viðauka við Basel-samninginn um eftirlit með flutningi spilliefna milli landa og förgun þeirra frá 22. mars 1989 (Stjótt ESB L 39, 16.2.1993, bls. 3).

<sup>(3)</sup> Aðgerðirnar „bráðabirgðaförgun“ og „bráðabirgðaendurheimt“ [áður: bráðabirgðaendurheimt] eru eins og þær eru skilgreindar í 5. og 7. mgr. 2. gr., eftir því sem við á, reglugerðar Evrópuþingsins og ráðsins (EB) nr. 1013/2006 frá 14. júní 2006 um tilflutning úrgangs (Stjótt. ESB L 190, 12.7.2006, bls. 1).

## II. VIÐAUKI

## SPURNINGALISTI

**Aðrar upplýsingar en um innflutningstakmarkanir, sem aðildarríkin eiga að gera aðgengilegar fyrir framkvæmdastjórnina vegna skýrslugjafar um framkvæmd reglugerðar (ESB) 2017/852**

1. athugasemd: Ef svarið við spurningu 1.2 og/eða 2.1 er „já“ skal ekki gera kröfu um upplýsingar um tengdu undirspurningarnar i. til v. í lið 1.2 og/eða i. í lið 2.1 ef allar upplýsingar eru meðtaldar í skýrslu sem aðildarríki lætur í té í samræmi við kvöð sína um skýrslugjöf sem er fastsett skv. 21. gr. Minimatasamningsins og ef viðeigandi skýrsla hefur verið gerð aðgengileg fyrir framkvæmdastjórnina í samræmi við 3. mgr. 18. gr. reglugerðar (ESB) 2017/852.

2. athugasemd: Valkvætt er að svara spurningum merktum með stjörnu (\*).

**1. Ákvæði 1. og 2. mgr. 7. gr. reglugerðar (ESB) 2017/852. Atvinnustarfsemi**

1.1. Hefur eftirfarandi framleiðsluferlum sem fela í sér notkun kvikasilfurs og kvikasilfurssambanda verið hætt í áföngum fyrir dagsetningarnar sem um getur í I. hluta III. viðauka við reglugerð (ESB) 2017/852? (1)

1.1.1. Framleiðsla á vínýlklóríðeinliðu (notkun skal hætt í áföngum eigi síðar en 1. janúar 2022)

Ef svarið er nei skal veita eftirfarandi upplýsingar:

- i. Ástæða/ástæður fyrir því að þessu framleiðsluferli er viðhaldið eftir tímasetningu þess að notkun skal hætt í áföngum.
- ii. Ráðstöfun sem var gerð/ráðstafanir sem voru gerðar eða fyrirhuguð/fyrirhugaðar til að hætta þessu framleiðsluferli í áföngum og tengd tímaætlun.

1.1.2. Framleiðsla á klóralkalí (notkun skal hætt í áföngum eigi síðar en 11. desember 2017)

Ef svarið er nei skal veita eftirfarandi upplýsingar:

- i. Ástæða/ástæður fyrir því að þessu framleiðsluferli er viðhaldið eftir tímasetningu þess að notkun skal hætt í áföngum.
- ii. Ráðstöfun sem var gerð/ráðstafanir sem voru gerðar eða fyrirhuguð/fyrirhugaðar til að hætta þessu framleiðsluferli í áföngum og tengd tímaætlun.

1.1.3. Framleiðsla á natríum- eða kalíummetýlati eða -etýlati (notkun skal hætt í áföngum eigi síðar en 1. janúar 2018)

Ef svarið er nei skal veita eftirfarandi upplýsingar:

- i. Ástæða/ástæður fyrir því að þessu framleiðsluferli er viðhaldið eftir tímasetningu þess að notkun skal hætt í áföngum.
- ii. Ráðstöfun sem var gerð/ráðstafanir sem voru gerðar eða fyrirhuguð/fyrirhugaðar til að hætta þessu framleiðsluferli í áföngum og tengd tímaætlun.

1.1.4. Framleiðsla á pólýuretani (notkun skal hætt í áföngum eigi síðar en 1. janúar 2018)

Ef svarið er nei skal veita eftirfarandi upplýsingar:

- i. Ástæða/ástæður fyrir því að þessu framleiðsluferli er viðhaldið eftir tímasetningu þess að notkun skal hætt í áföngum.
- ii. Ráðstöfun sem var gerð/ráðstafanir sem voru gerðar eða fyrirhuguð/fyrirhugaðar til að hætta þessu framleiðsluferli í áföngum og tengd tímaætlun.

1.2. eru einhverjar stöðvar á fyrrráðasvæði aðildarríkisins, sem framleiða natríum- eða kalíummetýlat eða -etýlat, sem nota framleiðsluferli sem felur í sér notkun á kvikasilfri og kvikasilfurssamböndum eins og um getur í II. hluta III. viðauka við reglugerð (ESB) 2017/852?

Ef svarið er já skal veita eftirfarandi upplýsingar um hverja stöð sem um er að ræða:

- i. Einkvæmt kennimerki sem uppfyllir kröfurnar í tilskipun 2007/2/EB.
- ii. Árlegt rekstrarlegt hæfi hvernar stöðvar (t/ár) fyrir árið 2017 og síðari ár.
- iii. Hvort kvikasilfur úr námugreftri sem er fyrst og fremst eftir kvikasilfri hefur verið eða er enn notað á viðkomandi stöð.

(1) Svára við og upplýsinga um spurningar 1.1.1, 1.1.2, 1.1.3 og 1.1.4 er aðeins krafist í fyrstu skýrslunni sem á að skila eftir viðkomandi tímasetningu þess að hætta notkuninni í áföngum.

- iv. Fyrir árið 2010, stig hvernar stöðvar þegar kemur að beinni og óbeinni sleppingu kvikasilfurs og kvikasilfurssambanda út í andrúmsloftið, vatn og á land á hverja framleiðslueiningu (gefið upp sem kg af kvikasilfri og kvikasilfursefnasamböndum á hvert framleitt kt af natríum eða kalíummetýlati eða -etýlati).
- v. Fyrir árið 2020 og síðari ár, stig hvernar stöðvar þegar kemur að beinni og óbeinni sleppingu kvikasilfurs og kvikasilfurssambanda út í andrúmsloftið, vatn og á land á hverja framleiðslueiningu (gefið upp sem kg af kvikasilfri og kvikasilfursefnasamböndum á hvert framleitt kt af natríum eða kalíummetýlati eða -etýlati).

## 2. Ákvæði 9. gr. reglugerðar (ESB) 2017/852: Óvélvæddur og minni háttar gullnámugróftur og -vinnsla

- 2.1. Hefur aðildarríkið fundið gögn sem sýna að ekki er eingöngu um að ræða einstök tilvik um notkun kvikasilfursblöndunar til að vinna gull á yfirráðasvæði þess?

Ef svarið er já skal veita eftirfarandi upplýsingar:

- i. Hefur lögbært yfirvald aðildarríkisins þróað og komið landsáætlun um óvélvæddan og minni háttar gullnámugróft og -vinnslu í framkvæmd í samræmi við 2. mgr. 9. gr. og IV. viðauka við reglugerð (ESB) 2017/852?
  - Ef svarið er já skal gefa upp nettengil á landsáætlunina um óvélvæddan og minni háttar gullnámugróft og -vinnslu.
  - Ef svarið er nei skal veita upplýsingar um ástæðuna/ástæðurnar fyrir því að hafa ekki þróað og komið landsáætlun um óvélvæddan og minni háttar gullnámugróft og -vinnslu í framkvæmd og um ráðstafanir sem gerðar voru og/eða skipulagðar um að koma á slíkri áætlun og tengda tímaáætlun.

## 3. Ákvæði 10. gr. reglugerðar (ESB) 2017/852: Tannsilfur

- 3.1. Hefur aðildarríkið staðið frammi fyrir mikilvægum áskorunum um framkvæmd 10. gr. reglugerðar (ESB) 2017/852 um tannsilfur?

Ef svarið er já skal veita eftirfarandi upplýsingar:

- i. Eðli og umfang áskorananna:
- ii. Ráðstöfun sem var gerð/ráðstafanir sem voru gerðar eða skipulögð/skipulagðar til að bregðast við þessum áskorunum og tengd tímaáætlun.

## 4. Ákvæði 12. gr. reglugerðar (ESB) 2017/852: Skýrslugjöf varðandi stór upptök

- 4.1. Í samræmi við c-lið 1. mgr. 18. gr. reglugerðar (ESB) 2017/852 skal leggja fram eftirfarandi samantekt um upplýsingar sem rekstraraðilar hafa sent lögbærum yfirvöldum aðildarríkis skv. 1. og 2. mgr. 12. gr. þeirrar reglugerðar:

- 4.1.1. Skrá yfir hlutaðeigandi stöðvar eftir tegund stórra upptaka, sem um getur í a-, b- og c-lið 11. gr. reglugerðar (ESB) 2017/852, og tengt kennimerki.

- i. Klóralkalíframleiðsla:

- Skrá yfir stöðvar.
- Einkvæm kennimerki sem uppfylla kröfurnar í tilskipun 2007/2/EB.

- ii. Hreinsun jarðgass:

- Skrá yfir stöðvar.
- Einkvæm kennimerki sem uppfylla kröfurnar í tilskipun 2007/2/EB.

- iii. Námuvinnsla og bræðsla annarra málma en járns:

- Skrá yfir stöðvar.
- Einkvæm kennimerki sem uppfylla kröfurnar í tilskipun 2007/2/EB.

- 4.1.2. Heildarmagn kvikasilfursúrgangs, gefið upp í tonnum, sem er geymt á hverri stöð, sem er skráð undir i., ii. og iii. lið í spurningu 4.1.1, 31. desember á hverju skýrslugjafarári innan hvers skýrslutímabils.
- 4.1.3. Heildarmagn kvikasilfursúrgangs, gefið upp í tonnum, sem er sent á hverju ári frá hverri stöð sem er skráð undir spurningu 4.1.1 til eftirfarandi úrgangsstöðva, fyrir hvert ár sem skýrslutímabilið tekur til:
- Heildarmagn kvikasilfursúrgangs sem er sent til stöðvar þar sem bráðabirgðageymsla á kvikasilfursúrgangi fer fram.
  - Heildarmagn kvikasilfursúrgangs sem er sent til stöðvar þar sem umbreyting fer fram og, ef við á, storknun kvikasilfursúrgangs.
  - Heildarmagn kvikasilfursúrgangs sem er sent til stöðvar þar sem varanlega geymsla á kvikasilfursúrgangi fer fram.
- 4.2. \* Allar aðrar viðeigandi upplýsingar sem aðildarríki óskar eftir að gera aðgengilegar.
5. **Ákvæði d- og e-liðar 1. mgr. 18. gr. reglugerðar (ESB) 2017/852: Önnur skýrslugjöf sem krafist er skv. 18. gr. reglugerðar (ESB) 2017/852**
- 5.1. Veita skal eftirfarandi upplýsingar varðandi kvikasilfur sem er staðsett á yfirráðasvæði aðildarríkisins:
- Skrá yfir staði þar sem birgðir sem nema meira en 50 tonnum af kvikasilfri, aðrar en kvikasilfursúrgangur, eru staðsettar 31. desember á hverju skýrslugjafarári, þ.m.t. einkvæm kennimerki sem uppfylla kröfurnar í tilskipun 2007/2/EB.
  - Heildarmagn kvikasilfurs, annað en kvikasilfursúrgangur, gefið upp í tonnum, sem er geymt 31. desember á hverju skýrslugjafarári á hverjum stað sem er tilgreindur undir i. lið.
- 5.2. Veita skal eftirfarandi upplýsingar varðandi kvikasilfursúrgang sem er staðsettur á yfirráðasvæði aðildarríkisins:
- Skrá yfir staði þar sem meira en 50 tonn af kvikasilfursúrgangi hafa safnast upp 31. desember á hverju skýrslugjafarári, þ.m.t. einkvæm kennimerki sem uppfylla kröfurnar í tilskipun 2007/2/EB.
  - Heildarmagn kvikasilfursúrgangs, gefið upp í tonnum, sem hefur safnast upp 31. desember á hverju skýrslugjafarári á hverri stöð sem er tilgreind undir i. lið.
- 5.3. Veita skal eftirfarandi upplýsingar ef þær eru gerðar aðgengilegar fyrir aðildarríkið:
- Skrá yfir upptök sem mynda meira en 10 tonn af kvikasilfri á ári, þ.m.t. einkvæm kennimerki sem uppfylla kröfurnar í tilskipun 2007/2/EB.
  - Heildarmagn kvikasilfurs, gefið upp í tonnum, sem er afhent fram til 31. desember á hverju skýrslugjafarári frá hverjum upptökum sem eru tilgreind undir i. lið.
6. **Lokaspurningar**
- 6.1. \* Hefur aðildarríkið staðið frammi fyrir öðrum mikilvægum áskorunum við framkvæmd reglugerðar (ESB) 2017/852?  
Ef svarið er já skal veita eftirfarandi upplýsingar:
- Skýringar á áskorunum sem staðið var frammi fyrir:
  - Upplýsingar um ráðstafanir sem voru gerðar eða fyrirhugaðar til að bregðast við þeim vanda sem kom upp og tengd tímaætlun.
- 6.2. \* Aðildarríkið getur miðlað upplýsingum um önnur framtaksverkefni sem ráðist hefur verið í eða eru fyrirhuguð til að styðja framkvæmdina.